

Regio & unde dicta.

Situs.

Soli fertilitas.

Imperium majorum.

Urbs & Opida.

TERTIA Lombardia Tabula sequitur, in qua *Pedemontium*, *Montis Ferrati Marchionatus*, cum *Ducatu Genuensium* delineantur. Occurrit primo loco *Pedemontium*: sic dictum, quod ad *pedem* sit *montium*, ad radices inquam Alpium, quæ Galliam Sabaudiamque ab Italia dividunt. Vulgo *Piamonte*: Fines ab Oriente Padus: ab Meridie Ligurum Alpes: qua Occidens est Alpes Galliarum: qua Septentrio, Duria Riparia. Regio est amœnis fructiferisque Collibus plena, Frumentem, Fructus, Vina producentibus nobilissima. Ferri prope Turinum, Marmorumque ad Paisanam, Fodinis non carens. Habitarant olim *Turini*, Polyb, Liv. Plutarcho noti: item Straboni, Ptol. Pli. in nona Italæ regione eos notanti, Ligurumque stirpis facienti. Inde *Ducatus Taurinus*, appellari cœpit hic tractus sub *Langhards*, qui in Provinciæ formam redacto Ducem præposuerant. Iis deletis, primum in Italia *Regum* venit potestatem: post Principum diversorum: præcipue *Sabaudie*, *Franciæ*que ditone fuit subiectus: vastatus supra modum bello quod gestum inter Carolum v Imperatorem & Franciscum Galliarum Regem. Caput Regionis est antiqua Civitas *Taurinum*: *Augusta Taurinorum* Tacito, Plin. Ptol. *Taurini* hæc Urbs ab ipsis populis, apud Antoninum, non uno loco. Vulgo *Turino*. Dictum vult Stephanus Grammaticus ab *Tauro*, Malsilienfium, quorum fertur Colonia, Insigni. Iacet ad ostium in Pado Duria: forma quadrata, Portis patens quatuor, splendidis ornata ædificiis, nobilitate Civium clara: rerum omnium copia abundans. Summum Templum Joanni Baptistæ est sacrum: præter hoc alia sunt xx aut circiter. Palatium ibi Ducis visendum: Academia celebris, in qua Erasmus Roterodamus S. Theologiæ Doctor est creatus. Prima hæc Italæ Urbium Officinam habuit librariam. Episcopatus gaudet dignitate. Ad Collem *Rivoli* est Opidum frequens: ulterius *Aviliana* iuxta Padum est *Carignano*. Altius inter Rivolos & Avilianam splendidum visitur Cœnobium *D. Antonij Ravennini*: & nonnullo inde intervallo *Ad D. Ambrosium*. Succedit mox *Susa* quam plerique Sabaudia ad censent. Ad Padum sexto ab Sangoni ostiis lapide Opidum jacet, quod vernacule *Pinarolo*, opulentum, cum Cœnobio sumptuoso: supra pandunt se *Petrosa*: Larva fontis Sangoni *Pagellato* & *Briacasse*, dextra *Monte Bobio*. Haud procul Pelice amne, Padi incola, *Pancalerum* est & *Villa Franca*, ubi ponte Padi ripæ junguntur. Sequuntur ad Padi fontem *Revello* & *Paisana*: ulterius *Critio*: moxque *Mambrino*, ubi Vallis Padi initium. Incolæ vocant *Valle di Lucerna*, ab Castello, quod ibi cognomine.

Montis-Ferrati Marchionatus.

Regio.
Unde dicta.

Soli fertilitas.

SUCCEDIT jam nunc peramœna & fecunda Regio *Mons-Ferratus* explicandus, sic dictus uti censet *Sleander*, quasi *Mons Ferax*, ab modicorum Collium, quos habet, fertilitate: vel a *Ferro*, similitudine quadam, quod uti Ferrum cetera Metalla vi ac duritie vincit: ita ille finitimos ubertate cum aliorum fructuum, eorumque nobilitate & suavitate, tum vero Vini longe superet. Describit *Montem-Ferratum* Merula lib. v i Antiquit. Vicecom, hoc modo: *Mons est perpetuis expansus jugis, totus amœnus & fructifer, omniumque rerum ad vitam*